

1930 йил
12 МАЙДАН
ЧИҚА
БОШЛАГАН



Қонунчилиқ ва ҳуқуқ-тартибот учун!

Тосста

ЎЗБЕКИСТОН ЖУМҲУРИЯТИ ИИБ ҲАЙЪАТИ НАШРИ

№№ 5—6
(2542—2543)
1993 йил
20 ЯНВАРЬ
ЧОРШАНБА
НАРХИ 6 СЎМ

САРҲИСОБ ҚИЛИНДИ

Яқинда Тошкент вилояти ички ишлар бошқармасида ўтган йил таҳлилига бағишланган йиғилиш бўлиб ўтди. Унда 1992 йилда олиб борилган ишлар, жорий йил режалари ҳақида сўз юритилди.

Йиғилишни вилоят ИИБ бошлиғи, генерал-майор Н. А. Исмоилов очди. ИИБ штаб бошлиғи, ички хизмат

подполковниги Т. Рихсиев ахборот берди.

Ўтган йилда вилоят милицияси мураккаб оператив вазиятларда ҳам фидокорона иш олиб бориб, умумий жиноятчиликни мўтадил ҳолда ушлашга муваффақ бўлди.

Сўзга чиққан туман ва шаҳар ички ишлар бўлим ҳамда бўлинмалари бош-

лиқлари фуқаролар хавфсизлигини таъминлаш, қонунчиликни муҳофаза қилиш, жиноятчиликка қарши кураш борасида олиб борилган ишлар ҳақида гапирдилар.

Йиғилишда Тошкент вилояти ҳокими С. Сайдалиев иштирок этди ва ички ишлар идоралари ходимларининг саволларига жавоб берди.

БУГУНГИ СОНДА

2-БЕТ

"... Ногоҳ кўзи ўша ерда ҳеч нарсдан хабари йўқ ухлаб ётган қизалоққа тушди. У ортиқча гувоҳнинг кўпайишидан кўрқди..."

7-БЕТ

"... Улов эгаси эрталаб туриб қараса, гаражи ланг очик, машина йўқ. Дарров мелисага чопди. ИИБ биносига яқинлашиб, ҳайратдан ўтириб қолай деди..."

3-БЕТ


"... Жиззах вилояти халқ суди жиноятчининг ишини атрофлича кўриб чиқди ва барча жиноятларни инкор этиб бўлмайдиган далиллар билан исботлаб берди. Ваҳший отишга ҳукм қилинди..."

8-БЕТ

"... «Қалб кўзи» жаридаси муҳбирига Ўзбекистон радиоси ва «Поста» газетаси орқали ишдаги камчиликлар туфайли танқид қилинган киши тўғрисида ижобий мақола ёзиш (ҳатто суратлари билан) нега керак бўлиб қолдикин?..."

ЎҚИЙСИЗ

«ТАРЖИМОН»



Кўйилган сарлавҳа ўз маъносига эмас, албатта. Аммо ўзини тўлиқ оқлайди. Сиз суратда кўриб турган йигит — Собир Раҳимов тумани ИИБ эксперт-криминалисти, милиция катта лейтенанти Ғани Тўраев кўлидаги индишни бўяётгани йўқ, балки у билан тиллашишга тайёргарлик кўряпти. Бир оз муддат ўтгач, ваза анчагина зарур нарсаларни унга "гапира" бошлайди ва Ғ.Тўраев унинг "сўз"ларини тегишли одамларга таржима қилиб беради.

Экспертлик — жуда нозик соҳа. Айни дамда бу соҳасиз жуда кўплаб жиноятлар очилмасдан қолиб кетиши мумкин. Ҳодиса юз берган жойга биринчи қадамни улар босишади. Чунки жиноятчи қанчалик айёр, пихини ёрган бўлмасин, ўзидан қандайдир "дастхат" қолдиради. Фақат ўша забонсиз гувоҳни аниқлаш, арзимасдай туюлган нарсдан мантиқан мақбул хулоса чиқариш эксперт-криминалистрларнинг укувиға боғлиқ.

Ғани Тўраевнинг эса бу борада хизмат қилаётганига эндигина тўрт йил бўлди. Жиноятчини қидириб топишда хизмати жуда асқотишини яхши ҳис қилади. У хизматини эндигина бошлади. Ҳали ҳаммаси олдинда. Бу йўлда унга омад тилаймиз.

М. ҲАКИМОВ.

ЧОРШАНБАДАН...

"САНТЕХНИКЛАР"

Яккасарой туманидаги Артиллерийская кўчасида истиқомат қилувчи нафақахўр Ф. И.нинг хонадонига ўзларини сантехник деб таништириб кирган икки босқинчи қариянинг бошига болта билан уришди. Қария ўша заҳоти тил тортмай ўлди. Босқинчилар қўлларига илинган қимматбаҳо нарсаларни йиғиштириб кетаётган милиция нарядига рўпара келишди. Маълум бўлишича, қотиллар — "Ҳаёт" ширкати ишчилари А.С. ва Р. Г. экан. Терговни туман прокуратураси олиб борапти.

ЁҚИЛҒИ ЎҒРИЛАРИ ҲИБСДА

Охунбобоев темир йўл бекатидан Қўқон шоҳбекатига келтирилган 74925644 рақамли цестернадан 3769 килограмм, жамми 113100 сўмлик "А-76" ёқилғиси камомати борлиги аниқланди. Тезкор ҳаракатлар натижа берди. Ёқилғи ўғрилари аниқланиб, қўлга олинди. Улар — Марғилон шаҳрида яшовчи, 1960 йилда туғилган Б.Т. ҳамда А.О. бўлиб чиқди.

"КАЛАШНИКОВ" ТОПИЛДИ

Сариосиё туманида олиб борилган оператив тадбир пайтида Ж. Пирназаров номли жамоа хўжалигининг "Меҳнат" участкасида яшовчи, ҳеч қаерда ишламайдиган Р.Қ.нинг хонадонидан 58 дона ўқи билан "Калашников" автомати топилди. Бу хонадонга қурол қаердан келиб қолганини тергов аниқлайди.

ГАЗ ПУРКАШДИ

"ВАЗ-2108" маркали, давлат рақами Г74-84НВ машинани "Навойи-Зарафшон" йўлида икки номаълум шахс тўхтатди. Ҳайдовчи нима гап деб машина ойнасидан бошини чиқариши билан номаълум шахслар унинг юзига балончадан газ пуркаб беҳуш қилиб қўйишди. А.И. хушига келса, йўл четида ётибди, машинаси йўқ. У бу ҳақда дарров милицияга хабар берди. Ўз вақтида кўрилган чора-тадбир туфайли жиноятчилар қўлга олинди.

ЛАҲМЧИЛАР

Номаълум шахслар Андижон туманидаги И. Бакиров номли жамоа хўжалиги ҳудудида жойлашган "Найман" матлубот жамиятига қарашли 51-сонли дўкон девори остидан лаҳм қазиб, ундан 200 минг сўмлик турли хил газмолларни ўмариб кетишди. Лаҳмчилар изланмоқда.

САБАБИ АНИҚЛАНМОҚДА

Ғазалкент шаҳридаги "Урингач" ширкати раиси, 1955 йилда туғилган А.Б. уйда ов милтиғи билан (милтиқ ИИБда рўйхатдан ўтказилган) ўзини ўзи отиб ўлдирди. Суиқасд сабаблари аниқланмоқда.

ОТИБ ЎЛДИРДИ

Сирдарё шаҳрининг 1 Май кўчасида яшовчи аҳоли куппа-кундуз кунни милтиқ овозидан бир сесканиб тушишди. Улар отилиб кўчага чиқишса С. Л. ўзаро жанжал туфайли қўшнис О. У.ни отиб ўлдирди. Қотил ушланди.

ҚОРАСУВДАГИ МУРДА

Ҳамза туманидаги қороз ишлаб чиқариш комбинати ёнидан қесиб ўтган Қорасув ариғидан осие миллатига мансуб бўлган 35-40 ёшлар чамасидаги эркак кишининг мурдаси топилди. Унинг шахси ва ўлими сабаблари аниқланмоқда.

"БИР ҚОП ДАҲШАТ"

Газетамизнинг 23 декабрь сонидан юқоридаги сарлавҳа остидан босилган хабар ёдингизда бўлса керак. Унда Нукус шаҳридаги 21-кичик туман, 269-уйнинг 1-хонадони томорқасида кимдир номаълум кимсанинг кесилган қўллари солинган қопни "унутиб" қолдиргани ҳақида хабар берган эдик. Осойишталик посбонларининг изланишлари туфайли бу жиноят очилди.

У 21-кичик туманидаги 20-уйда истиқомат қилган, қурилиш бошқармаси ишбошчиси, 1960 йилда туғилган, Р. Қ. бўлиб чиқди. Унинг қотили — 1970 йилда туғилган Н. С. қўлга олинди.

БОСҚИНЧИЛАР УШЛАНДИ

Дўстлик туманидан келатган "КамАЗ-5320" белгили 55-83 ДДЛ рақамли автомашинасини Учкўприк тумани ҳудудида уч нафар қуролланган шахс тўхтатиб, машинани тортиб олишди. Ҳайдовчилар бу ҳақда дарров милицияга хабар беришди. Кўрилган чора-тадбирлар натижасида босқинчилар аниқланиб, қўлга олинди. Улар мазкур туманда яшовчи А. Т. (ундан 16 калибрли ов милтиғи тортиб олинди), А. У. ҳамда Р. Х.лар экан. Улар устидан жиноий иш кўзгатилади.

Т. МУРОДОВ.

...ЧОРШАНБАГАЧА

Ит билан ходимга қарши

Кечкурун итини сайрга олиб чиққан Вадим уни бўш қўйиб юборишди. Милиция старшинаси Ф. Укунбашев жиловсиз юрган жониворни кўргач, Вадимга юзланди.

— Ит сизникими?

— Ҳа.

— Нега бўш қўйдингиз?

Йўловчиларга ташланиши мумкин!

Бироқ бугапларнинг эгасига

ёқмади. У старшина билан адибади айтишаркан, итга қараб "фас" деди. Ит шиддат билан старшинага ташланди. Лекин Фатхулла ҳам бўш келмади. Таланишига қарамай Вадимнинг қўлидан тортиб қайирди. Шунда у жониворга "тек тур" деб бақиришга мажбур бўлди. Тан жароҳатлари олган Ф. Укунбашев Вадимни амаллаб Оққўрғон тумани ИИБга олиб келди.

Маълум бўлишича Вадим Муқумов 1992 йилнинг 6 мартида судланиб, икки йил мажбурий меҳнатга жалб қилинган экан.

Ушбу жиноий ишни кўрган Оққўрғон тумани халқ суди юқоридагиларни ҳисобга олиб, В. Мугумовга жазони 3 йилу 6 ой қилиб белгилади.

М. ҲАКИМОВ.

Сиз кутган, кутмаган хабарлар

Сурдарё

ЁШ, БИР ЎҒРИГА БОШ

Туриб-туриб айтаман-да: болаларга нима экан-а? Бошида ота-онаси бўлса, ҳали елгага турмушнинг ола хуржун илинмаган бўлса...

М. ҲАКИМОВ. Гулистон.

ТЎДА ТУГАТИЛДИ



Жиззах

1992 йилнинг август, сентябрь ойларида Жиззах вилояти, асосан Жиззах шаҳрида оператив аҳвол анча оғирлашди.

ИИБ ЖҚБ бошлиғи милиция подполковниги М. Жабборов бошқарма ва шаҳар ЖҚ бўлими ходимларидан тузилган гуруҳлар фаолиятини ўз назоратига олди.

Гуруҳ аъзолари шаҳарда яшовчи 1974 йилда туғилган Тарас, 1972 йилда туғилган Сулико, 1966 йилда туғилган Файзуллоларни кўз остига олдилар.

Учовлон тошкентлик ҳамтовоқлари Александр, Дмитрийлар билан тил бириктириб, кўплаб ўғирликлар содир этишиб, ўмарилган молларни Тошкентдаги «Ипподром»да пуллашаркан.

Устига-устак Жиззахдаги... кичик туман... уй... хонадонда истиқомат қилувчи суякоёқ аёликида тез-тез йигилиб туришлари, ўқотар куроллари борлиги аниқланди.

Ушбу маълумотдан сергаklangан ходимлар кузатувни кучайтирдилар. Зеро уларни ашёвий далиллар билан қўлга олиш ҳаммасидан муҳим эди.

Кутилган дақиқалар ҳам келди. Ўғрилар бирин-кетин юқорига кўтарилишди.

Гуруҳ аъзолари уйни ўраб, ичкарига йўналишди. Улар хонага киришганларида жиноятчилар ўлжаларини тақсимлашаётган эди.

Ходимлар ашёвий далилларни хатлашга тушдилар. Бир вақтнинг ўзида гувоҳлар қақиртирилиб, тинтувга киришилди. Тинтув чоғида қўшогиз қирқма мильтик, тўпонча, 11 дона хорихда ишланган турли белгили магнитофон, 370 дона ўқ, бир миллион сўмлик буюмлар топилиб, хатланди.

Дастлабки терговдаёқ мазкур гуруҳнинг Тошкент шаҳрида бир қотиллик, Жиззахда икки босқинчилик ва еттидан ортиқ мулк ўғирликларини амалга оширганлиги маълум бўлди.

С. САЪДУЛЛАЕВ, Жиззах вилояти ИИБ ЖҚБ катта оператив вакили.

Суратларда: жиноий гуруҳ «қароргоҳи»дан олинган ашёвий далиллар.

ДЕВОР ДАРМИЁН — 1

Ўғрилик — катта жиноятларнинг дебочаси демакдир. Майда қонунбузарлик қилишга қурби етган кишининг катта-қатта жиноятларга ҳам қўл уриши табиий.

ИИБ МАТБУОТ МАРКАЗИ ХАБАР ҚИЛАДИ

ди. У ортиқча гувоҳнинг кўпайишидан чўчиди. Қип-қизил бўялган пичогини қизчага ҳам санчди... Кўзлари қонга тўлган ваҳший бу билан ҳам чекланмади.

Шундай қилиб кўшни бошқаларга кўшни бўладиган бўлди.

Мехмон Эди-я... Тошкентга мехмон бўлиб келган, «Чорсу» мехмонхонасида турган аёлни фирибгарлар чув тушириб кетишди.

Қашқадарё

ШАЙТОННИНГ АНДИШАСИ

Шайтон қўлга тушибди деса энг анойи одам ҳам: «Ука, катта холангни лақидлатасан» дейиши турган гап.

Ўқ, шамол бўлмаса дарахтнинг барги қимирламасакан. Панжи Маматов уйда бўлган вилоят ички ишлар бошқармаси иқтисодий жиноятчиликка қарши кураш бўлимининг масъул вакиллари сирли жиноятга нуқта қўйишди.

Эркак кишининг қотиллик қилганини кўп эшитганмиз.

Кимдир пайт пойлаб, кимдир тасодифан, кимдир жаҳл устида бу ишга қўл уради. Бу каби воқеалар унча-мунча ўрнашиб ҳам қолган бизнинг қулоғимизга.

Хоразм

Қочиб қутулолмади

Биласизки, милиционерлар ўз хизмат фаолиятларида кўпдан кўп фавқулодда ҳодисаларга дуч келишади.

Уроз ҲАЙДАРОВ, Қашқадарё вилояти ички ишлар бошқармаси матбуот гуруҳининг катта назоратчиси, ички хизмат катта лейтенанти.

Бечора эр жароҳат натижасида ҳаётдан кўз юмди.

Ҳ. АНВАРОВ.

Давлат автомобиль назорати ходимларини йўлларда ўтаётган машиналарни тўхтатиб турганларнинг бир неча бор гувоҳи бўлгансиз. Қизиқувчанроқ кишилар ҳайдовчининг нималарнидир асабийлашиб тушунтираётганию ДАН ходимининг машина қанотига энгашиб, нималарнидир ёзаётганини ҳам кўп кўришган. Демак, билингни, биринчиси қондани бузган, иккинчиси эса хизмат вазифасини бажараяпти.

Ушбу суратлар Олмалик шаҳри кўчаларида олинган. Шаҳар ИИБ ДАНБ взвод командири милиция капитани Абдумалик Зулфиқоров ва йўл ҳаракати назоратчиси, милиция катта сержанти Анорбой Маллаевлар ҳайдовчи билан ўзаро мулоқотдалар.



Агар ушбу вазиятда ҳайдовчи йўл ҳаракати қондасини бузган бўлса, жавоб бериши тайин.

“Ҳар не бўлса, ўзиндан кўр”, — дейдилар. Иккинчи суратда манзилга ошиқиб, фақат газни босавериш оқибатида кутилмаган “манзил”га етиб келган машиналардан бири муҳрланган. Энг аянчлиси, унинг ҳайдовчиси қасалхонада жон таслим қилди.

Ҳайдовчилар диққатига! Йўл бўйида турган милиционерни кўриб, эсангиз қотмасин. Худди шу милиционер сизни кутилмаган фалоқатдан асраб қолиши мумкин. Худди шу милиционер сизни манзилга омон-эсон етиб олишингиз учун ҳам совуқни совуқ демай, хизмат бурчинини ўтаёпти.
Суратлар муаллифи Х. ШОДИЕВ.



фарзандини Сирдарё вилоятига меҳмондорчиликка узатди. Меҳрибонлигини қаранги, ҳатто холаси ва жияларини Қарши шаҳар автостанциясига қадар кузатиб қўйди. Автобусга миндириб, кўнгли жойига тушган Бобомурод, қайдасан, Касби? — дея орқасига қайтди. Илгаридан тузиб қўйган режасини амалга оширишга киришди. Орқа эшикни бузди. Ичкарига кириб биров шошиб қолди. Қўлга илинадиган нарса кўзга ташланмади. “Қуруқ қайтган номард. Бир ишни бошини тутдимми, охирига етказмасам бўлмайди.” — Унинг хаёлидан шу гап кечди. Кўзи хонада осиглиқ турган 2х3 ҳажмдаги, чакана баҳоси 6798 сўм турадиган Хива гиламига тушди. Уни яхшилаб ўраб олди. Сўнг иккинчи қаватга кўтарилиб, болалар хонасига кирди. Бу ерда ҳам худди шундай иккинчи гилам осиглиқ турарди. Буниси ҳам етмагандек, Москвада ишлаб чиқарилган, давлат баҳоси 3969 сўм 60 тишин турадиган гиламни ҳам яхшилаб боғлади.

Гиламларни кўлтиқлаганча бир амаллаб Қарши шаҳрига етиб келди. Жамоа ҳўжалиги бозорида битта гиламни Қарши шаҳрида истиқомат қилувчи номаълум (тергов давомида шахсини аниқлаш имконияти бўлмаган) кишига 2000 сўмга пуллади. Бозори чаққон Бобомурод қолган иккитасини эртага сотаман, дея хаёлидан ўтказди. Гиламнинг пулини ўзининг эҳтиёжига сарф қилди. Бу орада холаси Ҳаловат Омонова Сирдарёдан — меҳмондорчиликдан қайтди. Уйига кирди-ю ёқасини ушлаб қотиб қолди. Не кўз билан кўрсинки, уччала гилам ҳам ўраиб кетилганди. Касби тумани ички ишлар бўлимига мурожаат қилди. Ўғрилиқни аниқлаш, жиноятчини топиш мақсадида оператив гуруҳ тузилди. Унга ИИБ жиноят-қидирув бўлими бошлигининг ўринбосари, милиция майори Анвар Галиев раҳбар этиб тайинланди. Гумондор шахслар сўраб суриштирилди. Факт ва далиллар олдига Бобомурод чув тушди. Ўз айбига иқроқ бўлди. Ҳақиқатдан ҳам холасини меҳмондорчиликка кузатиб қўйгач, орқа эшикни бузиб уйга кирганлиги, хонадан уч дона гиламни ўғирлаб, унинг бир донасини Қарши шаҳрида 2000 сўмга пуллаганлигини тан олди. Қолган иккита гиламни эса яшириб қўйган жойидан олиб берди.

Халқимизда қилмиш-қидирмиш, деб бекорга айтишмайди. Кимки, билибми, билмасданми жиноятга қўл урдими, албатта жазосини олади. Бобомурод ҳам гарчанд ўз қилмишидан пушаймон бўлсада, энди вақт ўтганди. Сўнги пушаймондан фойда йўқ. Одил суд унинг қилмишига яраша жазо чиқарди: беш йил муддатга озодликдан маҳрум этди.

Муҳиддин Жўраев,
журналист.



Вахши

“Жонми, ё ҳамён?” деган ибора бор. Алексей Кузовов учун ҳамён олдидан инсон жони сарик чақага арзимайди. Чунки жон ҳам, ҳамён ҳам ўзиники эмасда.

Алексей ўз вахшилик фаолиятини олис Орск шаҳрида бошлади. Талончилик режасини амалга ошириш мақсадида Павел Кочетов билан Совет тумани жамгарма банки марказий бўлими назоратчиси Елена Скрипчинани ишга солди. Скрипчина қароқчиларга Жения Ли деган одамнинг банқдан йирик пулга сертификат олгани ҳақида хабар берди ва яшаш жойини айтди.

Икки қароқчи ҳали балога етмаган Сергей Кузовов ва Виктор Макрушинларни ўзларига шерик бўлишга кўндирдилар. Кечки соат саккизларда улар пичоқ ва болта билан курулганиб, Лининг ҳовлисига девордан ошиб бостириб кирдилар. Кўнгирак овозига эшикни очган Жения Ли ва Лев Егайга пичоқ болта ўқталиб ичкарига итардилар. Ухлаб ётган онла бошлиги Юрий Егайни уйғотиб, ҳаммаларининг қўлоқларини боғлаб ташлашди, болаларни ҳам аяшмади. Шундан сўнг Алексей Кузовов буйруғи билан пул ва сертификат талаб қилиб, Юрий Егайни калтаклай бошладилар. Уй эгаси пул, сертификати йўқлигини айтгач, ярим ертўла хонага олиб кириб бўғишга тушишди. Ёвузлар мақсадларига эришолмаганлари учун болаларнинг бўйин ва кўкракларини пичоқ ҳамда болта билан тилишга ўтдилар. Жения Лини болта билан урдилар, Юрий Егайнинг баданига дазмон босишди. Натижада Ю. Егай ҳаётдан кўз юмди. Оиланинг бошқа аъзолари зўрга тирик қолдилар. Қароқчилар хонадондан кўлига тушган нарсаларни олиб чиқиб кетишди.

А. Кузовов ўртоғи В. Кудряшовниқига борди ва воқеани гапириб берди. Кудряшов ўз паспорти ва ҳарбий билетидан фойдаланишни таклиф этди. Кузовов унинг ҳужжатларига суратини ёпиштириб Кудряшовга айланди. У қалбаки ҳужжатлар билан Ўзбекистонга жўнади. Шериклари кўлга олиндилар, П. Кочетов қочиб уринганда отиб ўлдирилди. А. Кузовов эса Пахтакор тумани санэпидемстанциясига қоровул бўлиб ишга жойлашди. У ерда тўққиз-ўн ой ишлаб бўшқани ва Арнасой балик дудлаш заводига ўтди.

1991 йил июлда у маошини ҳисоб-китоб қилгани кетаётган фермер Александр Онасов кўлида ишловчи таниши Игорь Бальсин билан бирга эди. Бальсин пулини олгач, ароқ ичишди.

Кечаси Бальсиннинг “Запорожец” машинасида фермада ишловчи Сергей Гусев деганниқига

жўнадилар. Гусев Бальсин билан бирга Тошкентга бормоқчи экан. Лекин Гусев фермер Онасов маошини бермаётганини айтди. Бальсин фермердан маошни бермаслик сабабини сўраган эди, Онасов “Кечаси пул бермайман” дея вагон-уйчасига кириб кетди.

Орадан бир неча дақиқа ўтгач эса ов милтигини кўтариб чиқди. Фермер шунчаки кўрқитмоқчи деб ўйлаган Бальсин уларда ҳам курул борлигини айтиб бақирганди, Онасов қоронғуда гойиб бўлди. Жаҳли чиққан Гусев фермернинг телевизорини гаровга олиб машинага юклади ва заводга қараб кетдилар. Заводда Рашид Фатихонов фермер милицияга арз қилади деб, телевизорни қайтариб бериш кераклигини айтди. Ўша тун улар роса базм қурдилар.

Эрталаб фермага жўнашди. Фермер Онасов вагон-уйчаси ёнида кўлида милтиқ ушлаб ўтирарди. Кузовов фермер икки йилдан бери чўчка боқиб Тошкент ва Жиззах бозорларида сотишини яхши билар эди. Кўзига боғлам-боғлам пуллар кўриниб кетди. У Гусев билан вагон-уйчага кирди. Гусев тагин маош ҳақида гап очди. Кузовов эса Онасовнинг кўзини шамгалат қилиб, тоқчадаги болтани олди ва орқаси билан фермернинг бошига урди. Онасов ўлди. Улар вагон-уйчадан пул излаб топишолмади. Кейин Кузовов фермернинг милтиқ ва ўқларини олди. Йўқ пул учун одам ўлдирганидан кутурган ҳамда жазодан қаттиқ кўрққан Кузовов атрофидаги ҳамма одамни гумдон қилмоқчи бўлди. У милтиқни ўқлаб чўчкахонага кирди-да, ишчиларга вагон-уйчага киришни буюрди. Ишчи Илья Лисенко алланамалар деганча пақирни тўнкариб устига ўтириб олди. Кузовов огоҳлантормасдан ҳам тўрт-беш метрдан унинг пешонасига ўқ узди. Лисенко ўша захоти жон берди. Қотил Ҳасанов, Валиаҳмедов, Ландиш ва иккинчи Лисенколари вагон-уйчага қамади. Сергей Гусевга эса Илья Лисенкони мурдасини вагон-уйчага олиб киришни буюрди. Сўнгра қамалганларнинг барчасини отиб ўлдирди ва Гусевни машинага ўтказиб отиб ташлади. Кейин Игорь Бальсинга бензин келтирди-да, мурдалар ҳамда машинани еқиб юборди.


Милиция ходимларининг фаол саъй-ҳаракатлари туфайли вахший Пахтакор тумани марказида кўлга олинди.

Жиззах вилояти халқ суди аъзоси Рабим Қувватов раислик қилган суд ҳайъати А. Кузововнинг барча жиноятларини исботлаб берди. Вахший отишга ҳукм қилинди.

Дастлаб “Жон ўзиники эмасди” деган эдик. Лекин охирида ҳамён учун ўз жонини ҳам қурбон этди.

И. Бальсин эса уч йилга озодликдан маҳрум этилди.

Мурод ТИЛЛАЕВ,
Ориф ФАРМОНОВ.



Ҳар тўғрида

Ўтган йилнинг чилласи...



Хандалар

У МЕН БИЛАН БЎЛИШСИН

Муҳаммадга бувиси олма бериб, деди:
— Сухроб билан биродарларча бўлишиб энглар.
— "Биродарларча" бўлишиш қанақа бўлади?
— Олмани иккига бўлиб, катта қисмини Сухробга бер, кичигини ўзинга ол.

МЕНИКИ ЭДИ

— Кимнинг навбати? — деб сўради дўхтир хона эшигини очиб. Остонада икки бола пайдо бўлди.
— Бизники.
— Биттанг кир, — деб буюрди врач.
— Бунинг ҳечиложи йўқ, — деди болалардан бири, кейин шеригини кўрсатиб қўшиб қўйди: — мана бу бола ютиб юборган соққа меники эди.

Сафар сотувчига.

— Нега энди майдасидан? — сўради сотувчи.
— Йиригидан олсам, оғир бўп кетади-да.

ҚАЙТАРИБ БЕРАМАН

— Нусрат, пролизингиздан чувалчанг қазисам, майлими?
— Эвазига нима берасан?
— Балиқ тутиб келсам, биттасини сенга совға қиламан.
— Агар тутолмасанг-чи?
— Унда чувалчангни қайтиб бераман.

СУВГА ТҮЙДИМ

Ота ўғлига сузишни ўргатарди.
— Дада, сузишни эртага машқ қилсам, майлими?
— Чарчадингми?
— Йўқ, чарчаганим йўқ, бошқа сув ичолмайман, тўйдим.

ИНШО


— Ойижон уй иншосини ёзишга ёрдам беринг.
— Мавзусини айт-чи!
— Мавзуси: "Мен уй ишларида ойимга қандай ёрдамлашаман?", деб аталади.

Т. МУРОДЖОН.

ИККИНЧИСИНИ КЎРМАБМАН

— Ўғлим, холодильникда иккита сомса бор эди, биттаси қопти.
— Ростданми? Мен тунда иккинчисини кўрмабман-да.

БОШҚОТИРМА



Азиз муштарий! Жавоб харфларини рақамли хонадан бошлаб, чизиқлар бўйича нуқтали (сўнги харфнинг йўналиши кўрсаткичли) айланага ёзиш билан ҳал этинг.
1. Алишер Навоий туғилган шаҳар.
2. Кишининг куч-қуввати.
3. Жуфт сон.
4. Ўсимлик аъзоси.
5. Вужуднинг ҳукмдори.
6. Тепалик ер.
7. Йил фасли.
8. Газмолларга ишлатиладиган восита.
Жавобларни тўғри топган бўлсангиз, айланалар қаторлари бўйича ўқинг. Шунда сиз ўрта аср форстожик мутафаккир шоири Фаридидин Атторнинг икки мисра ҳикматини ўқийсиз.
Тузувчи Ф. ОРИПОВ.

Газетамизнинг 1993 йил, 13 январь сонидан чоп этилган бошқотирманинг жавоблари:

- 1. Абакан 2. Новотроицк. 3. Камерун 4. Нисо 6. Орисса 7. Александрия 8. Ямал 9. Лагос 10. Сургут 11. Тонга 12. Амазонка 13. Арк. 14. Корея. 15. Яман 16. Нанси 17. Ивашченково 18. Орегон 19. Нура 20. Аукцион 21. Ниигата 22. Анса 23. Азгур 24. Рақс 25. Скида. 26. Аяччо 27. Ойна 28. Аванс 29. Сарт 30. Тобол 31. Лев 32. Викса 33. Арекипа 34. Арра 35. Авогадро 36. Онтарио 37. Она 38. Афсона.

ЭЪЛОН

1989 йил Тошкент шаҳар Собир Рахимов туманида жойлашган 45-ўрта мактаб томонидан Абдулла Шоазизович Мирюсуповга берилган 796389 рақамли аттестат йўқолганлиги сабабли

БЕКОР ҚИЛИНАДИ

ТЕЛЕФОНЛАР: муҳаррир — 54-37-91, муҳаррир ўринбосари — 39-77-23, масъул котиб — 59-26-56, мухбирлар бўлими — 59-20-92, умумий бўлим — 59-21-21.

Обуна рақами — 64615.

Муҳаррир Зокир ОТАЕВ.

МАНЗИЛГОҲИМИЗ: 700029, Тошкент, Г. Лопатин кўчаси, 1.

«САВДОДА ГАП КЎП»НИ ЎҚИБ...

Муштарийларимизнинг ёдида бўлса керак, газетамизнинг ўтган йилги 16 декабрь куни чоп этилган сонидан Ички ишлар вазирлиги ИЖҚ бошқармаси, Ўзбекистон давлат телерадиокомпанияси билан ҳамкорликдаги рейдимиз ҳақида мақола эълон қилган эдик. Ундан асосий мақсад сигаретнинг фабрикадан харидоргача босиб ўтадиган йўлини кузатиш эди.

Кўрдик, кузатдик. Маълум бўлган камчиликларнинг айримлари айтилди, ёзилди. Гап бунда эмас. Гап шундаки, "Сирли олам" ойномасининг иловаси бўлмиш "Қалб кўзи" жаридаси тижоратнинг сирлари ҳақида туркум мақолалар эълон қилишга азм қилибди. Хўш, нима бўлибди? Энди шунга юзма кўзи билан чанг кўтариб ётиш шартми? Шарт эмас...

Жариди ходими Мирзо Улугбек туманидаги Улугбек номили Марказий дўконнинг озиқ-овқат бўлимида бўлибди. Борса боравермайдими, дерсиз. Майли, бунга бизнинг ҳам эътирозимиз йўқ. Мухбир Р. Рўзматов худди ушбу бўлимдан роса бир саҳифача, икки сурати билан мақола уюштирибди. Биз андиша билан ("Қандай қилиб сигаретнинг изига тушидик?" мақоласи) фамилиясини келтирмаган Қайтмас Тошматовни оширгандан ошириб мақтабди, суратларини чоп этибди.

Ёдингизда бўлса, ўша мақолада... "гўшт учун навбатда турган одамларни кўриб уялиб кетдим", — деган сўзлар битилган эди. Наҳотки Р. Рўзматовнинг кўзи ўшандай навбатга тушмаган, қария ва аёлларнинг оҳ-войларини эшитмаган? Муаллиф таърифига улар "мамнун харидорлар" га айланиб қолибди.

Мухбирни, албатта, пештахталардаги маҳсулотларнинг нархлари кўрсатилмагани қизиқтирмаган, ИИВ ИЖҚ бошқармаси ходими Комилжон ака эса ўз вақтида бу ҳақда сотувчиларни огоҳлантирган эди.

Қайтмас ака эса, ҳа, ўша ўзи кўрмаган, олмаган молини олдим, деб имзо чекиб юбораверадиган, ўз ишонч қоғозини бировларга

бериб юбораверадиган Қайтмас ака: "дўконимизга биркитилган оилалар ўз вақтида озиқ-овқат маҳсулотлари олиб туришини таъминлаяпмиз", дебди. Йўғ-э. Ўз омирига келиб тушган (аслида айтилган пайтда келиб тушганми?) маҳсулотни суткалаб билмай юриверадиган, беғам Қайтмас ака-я?

Мумкин. Яна хоҳлаганча гапириш мумкин. Ҳаммасидан ошиб тушгани эса мухбирнинг гаплари бўпти:

"Минг назоратчи қўйсангиз ҳам барибир кўзингиз "ана-ана" деб, қўлингиз билан оғзингиз эса, "қани-қани" деганча қолаверадилар.

Шундай экан, вақтинчалик, деб умид қилинаётган бугунги оғир иқтисодий буҳрон даврида сотувчиларга ҳам осон тутиб бўлмайди".

Сиз бирор нарса англаган бўлсангиз, биз, худо ҳаққи, ҳеч нарса тушунмадик, муаллифнинг нияти не? Биринчи жумладан, сотувчилар барибир "ўз ҳақлари"ни юлиб олишади, ўғирлашади, деган фикр англашилади. Иккинчи жумладан эса... сотувчиларга ҳам қийин экан. "Минг назоратчи"нинг қўйилгани қийинми? Ундай бўлса тушунгандаймиз, ниманидир.

Жариди мухбирига Ўзбекистон радиоси, "Постда" газетасида шаънига илиқ гаплар айтилмаган дўконни мақташ нега керак бўлиб қолди экан, деган саволни бериб, ўзимизни қийнаб ётмаймиз. Буни жариданинг шу йил биринчи сонидан эълон қилинган "Савдода гап кўп..." мақоласини ўқиган ҳар бир ақлли кишининг ўзи тушуниб олаверадилар. Айтмоқчи бўлганимиз, тижорат сирлари ҳақида туркум мақолалар бераётганда жариди мухбирлари ИЖҚ ходимларига ҳам мурожаат қилишса яхши бўларди. Чунки улар ҳам тижоратнинг анча-мунча "сир" ларини билишади. "Чумчуқ сўйса ҳам қасосб ("қасосб" диров, ҳар ҳолда биз шунақасини эшитганмиз — И.) сўйсин", — дебдику, мухбир.

Ахир "савдода гап кўп" — ку, тўғрими? Ҳилола ҲОШИМОВА, Исмоил ШОМУРОДОВ.

• Кўчириб босишда «Постда»дан эканлигини кўрсатиш шарт.
• Мақолада келтирилган рақамлар, фактлар ва бошқа маълумотлар учун, шунингдек, оқиқ эълон қилиниши мумкин бўлмаган маълумотлар учун муаллиф жавобгар ҳисобланади.
• Муаллифнинг мулоҳазаси тахририят фикрига мос тушмаслиги мумкин.
• Қўлёзмалар тахлил қилинмайди ва қайтарилмайди.

Ўзбекистон Республикаси «ШАРҚ» нашриёт-матбаачилик концерни босяхонаси. 700083, Тошкент, Ленинград кўчаси, 32.